

NEWS LETTER

2015

www.fipa.gov.ba

Održan sastanak Suradničke mreže za podršku stranim investitorima u BiH



Privredna delegacija kineske provincije Hebei posjetila Agenciju FIPA

**Investiciono-razvojna konferencija Srebrenica 2015:
Perspektive i mogućnosti razvoja**



NEWSLETTER BR. 12

SEPTEMBAR 2015

SADRŽAJ

FIPA AKTIVNOSTI ≡

- » Privredna delegacija kineske provincije Hebei posjetila Agenciju FIPA
- » Održan sastanak Suradničke mreže za podršku stranim investitorima u BiH

POSLOVNE VIJESTI ≡

- » Njemačka firma traži poslovne partnere iz tekstilne industrije
- » Investiciono-razvojna konferencija Srebrenica 2015: Perspektive i mogućnosti razvoja
- » Ugovor o koncesiji za izgradnju vjetroparka ŽHrgud' vrijedan 65 miliona EUR

FIPA AKTIVNOSTI ≡



PRIVREDNA DELEGACIJA KINESKE PROVINCIJE HEBEI
POSJETILA AGENCIJU FIPA



ODRŽAN SASTANAK SURADNIČKE MREŽE ZA PODRŠKU
STRANIM INVESTITORIMA U BIH



...I JOŠ FIPA AKTIVNOSTI...



PRIVREDNA DELEGACIJA KINESKE PROVINCIJE HEBEI POSJETILA AGENCIJU FIPA



U četvrtak 17. septembra 2015. godine, privredna delegacija kineske provincije Hebei posjetila je Agenciju za unapređenje stranih investicija u BiH (FIPA). Na čelu dvadesetdvočlane delegacije bila je gđa. Pei Shixin, zamjenik šefa Trgovinskog odjela Habei Provincije.

Privrednici su iskazali interes za ulaganje u BiH, a posebno u sektore energetike, metalske industrije kao i u proizvodnju stakla.

Delegaciju je primila direktorica FIPA Jelica Grujić sa saradnicima.

Gosti iz NR Kine su upoznati o mogućnostima ulaganja, pravnom okviru kao i o konkretnim projektima za koje su privrednici iskazali interes.



ODRŽAN SASTANAK SURADNIČKE MREŽE ZA PODRŠKU STRANIM INVESTITORIMA U BIH



30. septembra 2015. godine u sjedištu Agencije FIPA u Sarajevu održan je sastanak Suradničke mreže za podršku stranim investitorima u BiH. Ovom prilikom direktorica FIPA-e Jelica Grujić govorila je o Aftercare izvještaju sa prijedlozima mjera za poboljšanje poslovnog okruženja u BiH koji je pripremila FIPA, a koji je usvojilo Vijeće ministara BiH, kao i o trenutnom poslovnom ambijentu u zemlji i uspješnim stranim preduzećima koji posluju u BiH.

Na sastanku je osim toga bilo riječi i o implementaciji reformi koje se trenutno provode ili su već provedene sa ciljem poboljšanja poslovnog ambijenta, aktivnostima FIPA-e u prvih šest mjeseci 2015, a koje se odnose na Suradničku mrežu, obavljenim posjetama stranim firmama, primjedbama investitora itd. Razgovarano je također o narednim zajedničkim aktivnostima. U prvoj polovini godine posjećeno je 37 preduzeća sa stranim kapitalom u BiH.

Sastanku su takođe prisustvovali predstavnici Zeničko-dobojskog kantona, Tuzlanskog kantona, Srednje-bosanskog kantona, Brčko Distrikta, te općina Živinice, Kiseljak i Visoko.

POSLOVNE VIJESTI ≡



NJEMAČKA FIRMA TRAŽI POSLOVNE
PARTNERE IZ TEKSTILNE INDUSTRIJE



UGOVOR O KONCESIJI ZA IZGRADNJU VJETROPARKA 'HRGUD'
VRIJEDAN 65 MILIONA €



...I JOŠ FIPA POSLOVNIH VIJESTI...



INVESTICIONO-RAZVOJNA KONFERENCIJA SREBRENICA 2015: PERSPEKTIVE I MOGUĆNOSTI RAZVOJA

Konferencija će se održati 11. i 12. novembra 2015. godine u Srebrenici.

Cilj organiziranja ove značajne Konferencije je predstavljanje zainteresiranim investitorima mogućnosti Srebrenice za investiranje i korištenje srebreničkih potencijala, te podrške javnog sektora ekonomskom razvoju Općine.

Mole se zainteresirani za učešće da se prijave do 21. septembra. Za prijave, kao i za dodatne informacije, kontaktirati:
ir.konferencija@srebrenica.gov.ba



NJEMAČKA FIRMA TRAŽI POSLOVNE PARTNERE IZ TEKSTILNE INDUSTRIJE

Putem predstavništva njemačke privrede u Bosni i Hercegovini (AHK), njemačka firma traži poslovne partnere iz tekstilne industrije za postupak unutrašnje obrade (tzv. lon-poslovi).

Svi zainteresovani za saradnju potrebno je da ispune elektronski obrazac i pošalju e-mail sanjin.purgic@zahk.ba najkasnije do 23.09.2015. godine.

Inače, tekstilna industrija u BiH zadnjih godina pravi pozitivne rezultate. Zbog potreba inostranog tržišta otvaraju se i novi pogoni, a samim tim i nova radna mjesta.

Bh.tekstilci imaju dugogodišnje iskustvo u lon poslovima i na ino tržištu i poznati su kao pouzdani partneri.



UGOVOR O KONCESIJI ZA IZGRADNJU VJETROPARKA 'HRGUD' VRIJEDAN 65 MILIONA €

Ministar industrije, energetike i rudarstva Republike Srpske Petar Đokić i generalna direktorica Elektroprivrede Republike Srpske Branislava Milekić su potpisali ugovor o koncesiji za izgradnju vjetroparka "Hrgud" u opštini Berkovići za razdoblje od 50 godina.

Vjetropark će se sastojati od 16 vjetroturbina ukupne instalirane snage od 48 MW, a projekt će se implementirati u sljedećih nekoliko godina. Ukupna vrijednost projekta je oko 65 milijuna €.

Projekt će biti financiran sa 60 miliona € zajma od njemačke banke, dok će Elektroprivreda RS osigurati ostatak sredstava.

Ranije je dodijeljena koncesija za izgradnju vjetroparka na lokalitetu Trusina u Općini Nevesinje kompaniji "Eol prvi", koji bi tehnički trebao biti dovršen u 2018.

Njemačka razvojna banka je u 2012. godini osigurala 600.000 € donatorskih sredstava sa kojima su započeta istraživanja o karakteristikama vjetra na pet obećavajućih lokacija u Hercegovini.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Rade Bitange 30
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
ure Daničića 1/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted with a yellow and blue flag featuring white stars.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA